

PROMOSI GANJARAN KECEMERLANGAN AKADEMIK AKAUN SIMPANAN JUNIOR-I

Terma & Syarat ("T&S")

TEMPOH PROMOSI

1. Hong Leong Islamic Bank ("HLISB") ("Bank") "**Promosi Ganjaran Kecemerlangan Akademik Akaun Simpanan Junior-i**" ("Promosi") bermula dari 1 Julai 2020 sehingga 30 Jun 2021, kedua-dua tarikh termasuk ("Tempoh Promosi"), kecuali dimaklumkan sebaliknya.

KELAYAKAN

2. Promosi ini terbuka kepada semua pelanggan individu Bank yang merupakan pemegang akaun baharu dan sedia ada bagi Akaun Simpanan Junior-i ("JSA-i") ("Pemegang Akaun").
3. Untuk mengelakkan keraguan:
 - i. "Pemegang Akaun Baharu" merujuk kepada Pemegang Akaun yang membuka JSA-i dalam Tempoh Promosi.
 - ii. "Pemegang Akaun Sedia Ada" merujuk kepada Pemegang Akaun yang membuka JSA-i sebelum 1 Julai 2020.
4. Promosi ini TIDAK terbuka kepada pelanggan individu akaun simpanan junior konvensional, pelanggan bukan individu termasuk persatuan, kelab, sekolah, pertubuhan organisasi tanpa untung, pemilik tunggal, perkongsian dan amalan profesional yang berdaftar atau diperbadankan dalam Malaysia, termasuk Sendirian Berhad, syarikat tersenarai dan perbadanan multinasional.

GANJARAN KECEMERLANGAN AKADEMIK

5. Ganjaran kecemerlangan akademik bagi pemegang akaun adalah sah untuk pemegang akaun yang akan mengambil peperiksaan seperti yang dinyatakan di bawah dalam Tempoh Promosi:
 - i. Ganjaran kecemerlangan akademik akan diberikan kepada pelajar sekolah swasta dan kerajaan yang mencapai kesemua A bagi peperiksaan Sijil Pelajaran Malaysia ("Peperiksaan SPM").
 - ii. Insentif tunai bagi ganjaran kecemerlangan akademik adalah Tiga Ratus Lima Puluh Ringgit Malaysia (RM350).
 - iii. Insentif ganjaran kecemerlangan akademik hendaklah dikemukakan kepada Bank melalui permohonan di cawangan-cawangan Bank dalam tempoh empat belas (14) hari dari tarikh pengumuman keputusan peperiksaan SPM yang diambil oleh pemegang akaun. Walaubagaimana pun ganjaran tersebut akan dikreditkan kedalam akaun pemohon JSA-i berdasarkan konsep siapa cepat dia dapat; tertakluk kepada had maksimum sebanyak RM44,000 sepanjang tempoh promosi.
 - iv. Keputusan yang diperolehi bagi Peperiksaan SPM masing-masing yang diduduki oleh pemegang akaun mestilah A dalam semua mata pelajaran dalam sijil tunggal tanpa mengira bilangan mata pelajaran yang diambil. Satu salinan sah slip keputusan peperiksaan oleh pihak sekolah masing-masing hendaklah dikemukakan bersama-sama dengan kad pengenalan pemegang akaun dan borang permohonan kepada Bank.
 - v. Untuk melayakkan diri bagi ganjaran kecemerlangan akademik, baki purata minimum RM1,000.00 mesti telah dikekalkan dalam JSA-i sekurang-kurangnya **satu (1) bulan** sebelum tarikh permohonan.
 - vi. Hanya satu (1) ganjaran akan diberikan kepada setiap pemegang akaun bagi setiap Peperiksaan SPM tanpa mengira bilangan JSA-i yang ada di lain-lain cawangan Bank.

AM

6. Dengan menyertai Promosi ini, Pemegang Akaun bersetuju:
 - i. untuk terikat dengan T&S ini;

- ii. bahawa keputusan Bank ke atas semua perkara berkaitan dengan Promosi ini adalah muktamad, konklusif dan mengikat ke atas semua pemegang akaun
 - iii. untuk melayari laman sesawang Bank di www.hlisb.com.my ("Laman Sesawang HLISB") dari semasa ke semasa untuk menyemak T&S Promosi dan memastikan sentiasa mengikuti sebarang perubahan atau pindaan kepada T&S.
 - iv. bertanggungjawab dan akan menanggung secara peribadi ke atas semua cukai yang berkenaan, fi kerajaan atau sebarang bayaran yang mungkin dikenakan ke atas mereka di bawah undang-undang, jika ada, berhubung dengan penyertaan mereka dalam Promosi.
7. Bank berhak untuk:
- (a) menambah, menggugurkan, menggantung atau meminda keseluruhan atau sebahagian Terma & Syarat terkandung di dalam ini atau menamatkan Promosi ini dengan cara menyiarkannya dalam Laman Sesawang HLISB, atau dengan apa-apa cara yang dianggap sesuai oleh HLISB, pada bila-bila masa dengan memberi notis awal; dan
 - (b) membatalkan kelayakan mana-mana Pemegang Akaun daripada menyertai Promosi atas ketidakpatuhan terhadap T&S yang dinyatakan di sini termasuk tetapi tidak terhad kepada keadaan berikut:
 - (i) Jika Pemegang Akaun telah melakukan atau disyaki melakukan penipuan atau kesalahan undang-undang berkaitan dengan mana-mana kemudahan yang diberikan oleh HLISB; atau
 - (ii) Jika Pemegang Akaun telah diisytiharkan muflis (menurut petisyen oleh Bank atau mana-mana pihak ketiga) atau tertakluk kepada prosiding kemuflian pada bila-bila masa sebelum atau semasa Tempoh Promosi.
8. T&S di dalam ini, Terma & Syarat Umum Bagi Akaun dan Terma dan Syarat bagi Akaun Semasa-i dan Akaun Simpanan-i Hong Leong (Tawarruq CASA-i) hendaklah dibaca sebagai suatu perjanjian keseluruhan. Jika sekiranya terdapat sebarang percanggahan antara Terma & Syarat di dalam ini dengan Terma & Syarat Umum Bagi Akaun dan Terma dan Syarat bagi Akaun Semasa-i dan Akaun Simpanan-i Hong Leong (Tawarruq CASA-i), maka T&S di dalam ini hendaklah diutamakan bagi percanggahan tersebut..
9. Sekiranya terdapat sebarang percanggahan di antara T&S di sini berbanding dengan bahan pengiklanan, promosi, publisiti dan bahan-bahan lain berkaitan dengan Promosi ini, maka T&S muktamad dalam laman sesawang HLISB pada tarikh terkini hendaklah diutamakan.
10. T&S adalah tertakluk kepada dan ditafsirkan menurut undang-undang Malaysia dan Pemegang Akaun bersetuju untuk akur kepada bidang kuasa Mahkamah-mahkamah Malaysia.

Dilindungi oleh PIDM setakat RM250,000 bagi setiap pendeposit.